



FAQ

Dumondas e respostas davart la cumpetenza da lingua

Furmaziun supplementara anglais per il stgalim primar

ediziun mars 2009

Stos jau en mintga cas absolver in test da classificaziun avant ch'jau pos cumenzar cun la furmaziun da cumpetenza da lingua?

Avant che Vus pudais cumenzar la furmaziun da cumpetenza da lingua duvrais Vus ina decisiun d'admissiun da l'Uffizi per la scola populara ed il sport. L'admissiun vegn dada sche Vus avais in certificat da lingua valaivel ni absolvi il test da classificaziun almain sin il nivel A1. Nus As recumandain dentant d'absolver en mintga cas il test da classificaziun. Uschè è garantì che Vus pudais cumenzar Vossa furmaziun supplementara en la dretga gruppa da nivel.

Tar tgi duai jau s'annunziar per ils curs da lingua?

Per ils curs chantunals as pudais Vus annunziar directamain tar las Scolas Bénédict S. Gagl. Duvrai persuenter il formular d'annunzia che l'Uffizi per la scola populara ed il sport metta a disposiziun (www.av.sr.ch/englisch). Resguardai il termin d'annunzia da trais mais.

Mes nivel è A1. Datti curs da lingua per mes nivel?

I dat curs d'introducziun per il stgalim A1-A2. Quels han dentant mo lieu l'onn 2009. Vus stuais prender a mauns baud Vossa furmaziun supplementara sche Vus cumenzais cun in bass nivel da partenza.

Esi pussaivel da cuntanscher entaifer 16 emnas (durada d'in curs da basa) in progress d'in stgalim da nivel (p.ex. B1-B2)?

Gea, quai è pussaivel sut la cundiziun ch'i vegn lavurà a moda intensiva. In curs da basa che cuzzà 16 emnas consista da 80 uras instrucziun da preschientscha plus lavur a chasa. Sch'i fa da basegns san ins frequentar parallel l'estrucziun da sustegn.

Tgi che preferescha dentant d'emprender a moda main intensiva e vul avoir dapli temp, sa frequentar a la fin dal curs da basa supplementarmain in curs da punt. Uschè cuzzà la furmaziun supplementara pli ditg. Per in stgalim da nivel dovran ils participants uschè nov mais.

Entras quai ch'ins sa eleger tranter quellas variantas èsi pussaivel d'emprender a moda individuala e prender resguard sin cundiziuns privatas.

Tge è la differenza tranter il curs da basa, l'estrucziun da sustegn ed il curs da punt?

Il concept per la furmaziun da cumpetenza da lingua chantunala sa basa sin in principi modular. Sper la purschida da basa (**curs da basa**) san ils participants far diever d'ina purschida supplementara. Tar la purschida supplementara s'audan l'estrucziun da sustegn ed ils curs da punt. Quels èn *facultatifs*.

L'**estrucziun da sustegn** ha lieu il medem temp sco ils curs da basa obligatorics. Vus savais per exempel frequentar il glindesdi ed il mardi saira il curs da basa e sch'i fa da basegn il curs da sustegn la mesemna saira.

Tgi che po investir main temp durant il curs da basa ni emprenda per auters motivs pli plaun e vul consolidar la materia tractada sur in pli lung temps, sa frequentar suenter il curs da basa in **curs da punt**. Ils curs da punt han lieu suenter ils curs da basa. Vus pudais per exempel frequentar da l'avust fin il december in curs da basa e suenter dal schaner fin la fin matg in curs da punt.

Con temps stos jau investir a chasa?

Quai dependa da plirs facturs, tranter auter da Vossa presavida e da Voss talent per linguatgs, dentant era da la varianta da curs che Vus avais tschernì. Tgi che elegia la varianta da curs main intensiva (curs da basa e curs da punt enstagl mo curs da basa), vegn forsà a stuair investir damain uras a chasa, mo quai persuerter sur in pli lung temp.

Sco directiva duess ins quintar cun 6-8 uras lavur a chasa per emna. Il quantum da lavur n'è dentant betg adina tuttina. Ina emna vegnis Vus ad avair damain lavur (p.ex. emprender plects e far insaquants exercizis) e l'emna sequenta dapli (p.ex. scrire in essay).

Tge manaders/-dras da curs instrueschan en ils curs da cumpetenzza da lingua chantunals?

La scola Bénédicte engascha per la furnaziun da cumpetenzza da lingua mo docents qualificatgs da la furnaziun da creschi cun ragischs da lingua englaisa. Uschè metta la scola a disposiziun lur top manaders da curs. Quels han ina fitg buna resonanza da lur participants ed excellentas quotas da success tar examens da lingua reconuschids internaziunalmain. Ils manaders/las manadras da curs han gronda experientscha e bler know-how da preparar diploms da lingua. Malgrà la finamira pretensiusa san els carmalar il plaschair per emprender, per la lingua e la cultura.

Sai jau far l'examen da C1 (LTE 4) senza frequentar ils curs da lingua?

Sche Vus n'avais betg in certificat da lingua reconuschì, dentant las enconuschientschas preliminaras necessarias, savais Vus era far l'examen da C1 senza curs da lingua. Per far la segira vegni recumandà da far il test da classificaziun.

Sche Vus avais già in certificat da lingua sin il stgalim C1, alura savais Vus l'emprim far la dumonda da relasch tar l'Uffizi per la scola populara ed il sport per la part da furnaziun cumpetenzza da lingua. Furnaziuns supplementaras equivalentas vegnan reconuschidas.

Tge pussaivladads hai jau per cuntanscher in bun progress d'emprender? Datti mesiras accompagnantas?

Il pachet da furnaziun preschentà quai è fitg attractiv e porscha bleras pussaivladads supplementaras per garantir il success d'emprender:

1. Sper ils curs da basa pudais Vus visitar l'instrucziun da sustegn, sche Vus vulais p. ex. exercitar en spezial tadlar e chapir, grammatica, leger e chapir ni la pronunzia.
2. Er ils curs da punt gidan d'aprofundar tut ils skills (leger, scrire, tadlar, discurrer).
3. La scola Bénédicte porscha gratuitamain pussaivladads per emprender linguas da chasa anora. Ultra da quai pudais Vus emprender cun la software plects e trenar situaziuns da discurs.
4. Vus retschavais ina glista da paginas d'internet servetschavlas che sustegnan Vus d'emprender.

Tut en tut porscha il pachet da scolaziun pussaivladads d'emprender cun dapli ni damain instrucziun da preschientscha. Vus pudais per sumeglia mo frequentar il curs da basa ni supplementarmain anc il curs da punt. Uschè vegn era tegnì quint dal fatg ch'insaquants participants han lungs viadis fin al lieu dals curs.

Tge èn ils London Tests of English? En quels examens reconuschids en l'entir mund?

Ils London Tests of English (LTE) èn diploms da lingua da renum mundial per la lingua englaisa. Quels diploms èn reconuschids en l'entir mund. Els èn concepids tenor situaziuns da lingua autenticas, quai vul dir tenor situaziuns da communicaziun e basegnan per quai motiv mo pauca tecnica d'examen. Els s'orienteschan al rom da referenza europeic communabel per linguas GER. LTE 3 correspunda al nivel B2 e LTE 4 al nivel C1. Ils examens da LTE consistan d'ina part a bucca e d'ina part en scrit. Ulteriuras infurmaziuns chattais Vus sut: <http://pearsonpte.com/LTE/Teachers/Pages/home.aspx>.

Nua pon ils examens da cumpetenzza da lingua vegnir fatgs?

Ils examens pon vegnir fatgs directamain a Cuira ed a Samedan. La scola Bénédicte po manar atras sezza quels examens, damai ch'ella è reconuschida sco „center d'examens“.

Tge abilitads ha ina persuna cun il nivel C1 dal rom da referenza europeic communabel per linguas?

Insatgi che ha cuntanschì quai nivel sa per exempel:

- ... chapir in vast spectrum da texts pli lungs e pretensius ed era chapir significaziuns implicitas.
- ... s'exprimer a moda spontana e currenta senza stuair tschertgar peds.
- ... duvrar la lingua en la vita sociala e professiunala ni en la scolaziun ed il studi a moda effectiva e flexibla.
- ... s'exprimer clar, structurà e detaglià davart fatgs complexs e latiers duvrar differents meds per cumbinar texts.

Da tge uras vegnan ils curs da lingua (curs da basa ed offertas supplementaras) purschids e con ditg cuzzan quels?

curs da basa: durada 16 emnas. Quels datti en duas variantas:

- sco curs da saira che han lieu duas giadas per emna (glindesdi e gievgia ni mardi e venderdi mintgamai da las 18.15 fin a las 20.30 uras).
- sco curs la sonda, da las 9.15 fin a las 15.30 uras.

instrucziun da sustegn: Quella ha lieu durant il medem temp sco ils curs da basa. L'instrucziun da sustegn ha lieu mintgamai ina saira durant l'emna (per il solit la mesemna da las 18.15 fin a las 20.30 uras).

curs da punt: durada: 16 emnas. Il curs da punt vegn purschì sco curs da saira (per exempel ina saira per emna da las 18.15 fin a las 20.30 uras).

Nua han ils curs lieu?

Ils curs d'anglais han lieu a Cuir ed a Samedan.

Tge succeda, sche mes curs da giavisch n'ha betg lieu?

Quai dependa da mintga cas singul. Da principi han ils curs lieu a partir da 8 participants. Per il solit datti alternativs (curs da sonda; curs da glindesdi/gievgia euv.). I dat era la pussaivladad da frequentar il curs en in auter lieu. Vus vegnis infurmads e cussegljads mintgamai individualmain concernent Vossas pussaivladads.

Pos jau far ina pausa tranter dus curs?

Gea. Il sistem da curs è concepì uschè che Vus pudais far in „semester“ pausa suenter in curs e cuntinuar pli tard.

Jau abitesch lunsch davent dal lieu da curs dals curs chantunals. Pos jau era acquistiar la cumpetenzza da lingua sin in'otra moda?

Gea. Il concept da furmaziun supplementara lubescha a tuttas personas d'instrucziun admessas d'eleger tranter la via chantunala e la via individuala per cuntanscher la cumpetenzza da lingua. Tar la via individuala pudais Vus decider sez co e cura che Vus acquistais la cumpetenzza da lingua. La via individuala vegn indemnisada pauschalmain.